

Ўз вақтида огоҳлантириш, қутқариш ва ёрдам бериш асосий вазифамиздир!



2024 йил
14 март
№ 11 (952)



Ўзбекистон Республикаси Фавқулодда вазиятлар вазирлиги нашри

Газета 2004 йил 7 майдан чиқа бошлаган

АЁЛ – МИЛЛАТ ДАВОМЧИСИ

Албатта, оила юмушлари, фарзанд тарбияси билан бирга, турли соҳа ва тармоқларда фидокорона хизмат қиладиган опа-сингилларимизнинг меҳнатини муносиб қадрлаш доимо давлатимиз эътиборида бўлиб келмоқда.

Шавкат МИРЗИЁЕВ,
Ўзбекистон Республикаси Президенти.

8 март – Халқаро хотин-қизлар куни муносабати билан ФВВ Марказий аппаратида ташкил этилган байрам тадбирида Фавқулодда вазиятлар вазири генерал-майор А.Қўлдошев иштирок этди ва сафимиздаги опа-сингилларимизни ҳамда улар орқали юртимизнинг барча аёлларини, мунис онахонларимизни қутлуғ байрами билан чин дилдан табриклади.

Шунингдек, тизимда олиб бориладиган ислохотлар хусусида сўз юритилди. Шарафли касб – ҳарбийликни танлаб, эркак ходимлар билан бир сафда фидокорона хизмат қиладиган хотин-қизларнинг фидойилиги, ўз бурчига бўлган садоқати, эришаётган ютуқлари, қўлга киритаётган натижалари, касбий маҳоратлари, тажрибалари алоҳида эътироф этилди. Юртимизда хотин-қизларнинг ҳуқуқ ва манфаатларини таъминлаш, давлат бошқаруви ва жамиятнинг барча жараёнларида уларнинг ролини оширишга қаратилган тизимли ишлар ҳақида таъкидлаб ўтилди.

Тадбир давомида Ўзбекистон Ёзувчилар уюшмаси аъзоси, таниқли шоир Мирзо Карим мумтоз адабиётда аёл шаънини кўкларга қўтарувчи мисраларидан ўқиб, барчани хушнуд қилди. Қолаверса, “Ниҳол” мукофоти совриндори Мўминжон Садриддинов ҳамда ФВВ Академияси оркестри ва хонандалари ижросидаги концерт дастури барчага ўзгача шукуҳ бағишлади.

Анвар ҚОБИЛОВ,
“Vaziyat” мухбири.



ТАЙИНЛАНДИ



Ўзбекистон Республикаси Фавқулодда вазиятлар вазирининг тегишли буйруғи билан **Тўраев Зафаржон Турсунпўлатович** – Фавқулодда вазиятлар вазирлиги **Шаҳрисабз “Темурбеклар мактаби”** ҳарбий-академик лицейи директори лавозимига тайинланди.

Фавқулодда вазиятлар вазирининг биринчи ўринбосари – Штаб бошлиғи полковник С.Зупаров Наманган вилояти Учкўрғон туманидаги 46- махсус мактаб-интернатга ташриф буюриб, имконияти чекланган ўқувчи-ёшларга яратилган шароитлар билан яқиндан танишди ва улар билан мулоқот ўтказди.

Ўқувчи-ёшларга Фавқулодда вазиятлар вазирлигида фаолият юритаётган эшитиш ва нутқида муаммоси бўлган шахсларни қўллаб-қувватлаш диспетчерлик хизмати ҳақида маълумот берилиб, хизматнинг сурдо-таржимонлари билан мобил телефон орқали му-

ЁШЛАР БИЛАН МУЛОҚОТ



лоқот ўтказилди. Мулоқот давомида ўқувчиларнинг қизиқишлари ва келгусидаги режалари тўғрисида самимий суҳбат олиб борилди.

Шунингдек, ёшларга вазирликда ташкил этилган ушбу хизмат фаолиятдан фавқулодда вазиятлар содир бўлганда хабар

беришлари, махсус хизматлар, тиббиёт муассасалари ва бошқа жойларда сурдо-таржимон сифатида ҳамкорликда хизмат олиб бориш имкониятига эга эканликлари тушунтирилди.

ФВВ матбуот хизмати,

ҲУҚУҚИЙ ТАРҒИБОТ

Самарқанд ҳарбий прокуратураси томонидан назорат ҳудудидаги ҳарбий қисм ва муассасаларда ўрганишлар ва ҳуқуқий тарғибот-профилактика тадбирлари мунтазам ўтказиб келинмоқда.

Хусусан, ҳарбий қисмларнинг бирида таъмирлаш ва ободонлаштириш ишларига эътибор қаратилиб, соҳага доир қонунчилик талабларига риоя этиш юзасидан тавсиялар берилди. Шунингдек, ҳар-

бий хизматни ўташ учун яратилган шароитлар, таъминот турларининг узлуксизлиги ва фаолиятга доир бошқа масалалар ўрганилиб, масъулларга тегишли кўрсатмалар берилди.

Тадбир якунида ҳарбий хизматчи-

лар билан мулоқот ўтказилиб, жамиятда ҳуқуқбузарликларга, жумладан, турли онлайн қимор ўйинларига ва киберфирибгарликка қарши курашишда фаоллик кўрсатиш масалаларига эътибор қаратиладиган жиҳатлар юзасидан ҳаётий мисоллар асосида маълумотлар етказилди.

Фаррух ФАТУЛЛАЕВ,
Самарқанд ҳарбий прокурорининг ўринбосари, адлия майори.



ИЛЛАТГА ҚАРШИ

ФВВ Бошланғич тайёргарлик ва маляка ошириш маркази ҳарбий хизматчи ва хизматчилари билан Самарқанд вилояти ФВВ ходимлари ва тумanning тегишли мутасадди идора ходимлари иштирокида, “Коррупциясиз фаолият – тараққиёт гарови” шиори остида профилактик тадбир ўтказилди.

Тадбир давомида Ўзбекистон Республикаси Президентининг “Коррупцияга қарши мурасасиз муносабатда бўлиш муҳитини яратиш, давлат ва жамият бошқарувида коррупциявий омилларни кескин камайтириш ва бунда жамоатчилик иштирокини кенгайтириш чора-тадбирлари тўғрисида”ги фармони ҳамда “Коррупцияга қарши курашиш фаолиятини самарали ташкил этишга доир қўшимча чора-тадбирлар тўғрисида”ги қарорининг мазмун-моҳияти, шунингдек, диний мавзудаги видео ва расмларга ҳеч қандай муносабат билдирмасликлари, тарқатмасликлари кераклиги шахсий таркибга етказилди.

А.ТУРДИЕВ,
ФВВ БТ ва МОМ бўлим катта офицери, лейтенант.

МУРОЖААТЛАР ТИНГЛАНДИ

Тошкент ҳарбий прокуратураси томонидан Янгийўл туманидаги ҳарбий қисмларнинг бирида ҳарбий хизматчилар, уларнинг оила аъзолари ва Куролли Кучлар хизматчилари учун оммавий сайёр қабул ташкил этилди.



Унда ижтимоий-ҳуқуқий ҳимоя масалаларига эътибор қаратилиб, юздан зиёд мурожаатчиларнинг муаммолари мутахассислар иштирокида тингланди.

Тадбирда 37 та мурожаат қабул қилиниб, шундан 2 таси ижобий ҳал этилди, 11 тасига

ҳуқуқий тушунтириш берилди, 24 таси назоратга олинган ҳолда ваколатли идораларга кўриб чиқиш учун йўналтирилди.

Сардорхўжа АБРОРОВ,
Тошкент ҳарбий прокурорининг катта ёрдамчиси, адлия майори.

Қарши ҳарбий прокуратураси томонидан Деҳқонобод туманининг олис чегараолди ҳудуди ҳисобланган “Хўжапласт” маҳалласи ёшлари иштирокида ватанпарварлик фестивали ташкил этилди.

ВАТАНПАРВАРЛИК ФЕСТИВАЛИ

Қатнашчилар арқон тортиш, камондан отиш спорт турлари бўйича беллашдилар. Мусобақа якунида ғолиблар ташкилотчилар томонидан тақдирландилар.

Шунингдек, 10 нафар ёшларга “Ватан таянчи” кўкрак нишонлари топширилди.

Ҳарбий аслаҳа ва махсус техникалар намойиши ҳамда ҳарбийларнинг кўргазмалли чиқишлари ёшларда катта қизиқиш уйғотди. Янграган куй-қўшиқлар тадбирга байрамона руҳ бағишлади.

Мулоқотларда олий ҳарбий таълим муассасаларига ўқишга кириш тартиби ҳақида атрофлича маълумотлар берилди.

Шухрат ЗОИРОВ,
Қарши ҳарбий прокурорининг ёрдамчиси, адлия полковниги.

Жинойтга жазо муқаррар

БОШИ БЕРК КЎЧА

Т.К. ҳеч жойда ишламаган. Ўқимаслик, ҳунарсизлик уни боши берк кўчага бошлаган. Яъни, у жиноят содир этган. Ўша куни Яшнобод тумани ИИО ФМБ ЖҚБ ходимлари томонидан кучли таъсир қилувчи моддаларни сотиш билан шуғулланувчи шахсларни аниқлаш бўйича тезкор тадбир ўтказилган вақтда Олмос кўчасида кетаётган Т.К.нинг ҳаракати шубҳали кўринади. Шунинг учун унинг шахсини аниқлаш мақсадида тўхтатилган.

Маълум бўладигани, Т.К. терговда шахсини аниқлаш имкони бўлмаган йигитдан 1.000.000 сўмга “гашиш” гиёҳванд моддасини сотиб олган. Кейин эса уни таниши бўлган икки нафар йигитга 1.400.000 сўмга сотган. Ушбу модда холислар иштирокида далилий ашё сифатида расмийлаштириб олинган.

Тошкент шаҳар ИИББ ЭКБМнинг суд кимёвий экспертиза хулосасига кўра, фуқаро Т.К. га тегишли модда “гашиш” бўлиб, оғирлиги 3.06 граммга тенглиги аниқланган. Тадбир давомида корхоналардан бирида иш бошқарувчи бўлиб ишловчи Т.К. нинг дам олиш хонасидаги стол устида ўзининг истеъмоли учун олиб қолingan 0.25 грамм миқдордаги “гашиш” гиёҳванд модда ҳам далилий ашё сифатида ҳужжатлаштириб олинган.

– Ўша куни укам билан бирга ишловчи С.С. қўнғироқ қилиб, 4 грамм “гашиш” топиб беришимни сўради, – деди судда судланувчи К.Т. – Шундан сўнг мен Ж.га телефон қилдим. У эса 4 граммга яқинроқ миқдорда топиб беришини маълум қилди. Биз учрашдик. Граммини 300.000 сўмга сотадиган бўлди.

Аммо кўп ўтмай ИИБ ходимлари томонидан ушландик. Ҳозирги кунда бўлган ишлардан пушаймондаман. Тушуниб етдим. Қамоқ билан боғлиқ бўлмаган жазо тайинлашингизни сўрайман.

Суд судланувчи Т.К.га 10 йил 1 ой, шерикларидан бирига 10 йил, иккинчисига эса 7 йил муддатга озодликдан маҳрум қилиш жазоси тайинлади.

Оқибатини ўйламай жиноят содир этган 23-24 ёшли йигитлар бугунги кунда тайинланган жазони умумий тартибли колонияларда ўтамоқда.

Анвар ИКРОМОВ,
Жиноят ишлари бўйича Яшнобод туман судининг судьяси.

Ҳамид ШАМШИЕВ,
Тошкент шаҳар судининг судьяси.

ЙИҒИЛИШ

Наманган шаҳар ФВ бўлими ҳарбий хизматчи ва хизматчилари ўртасида коррупция, диний экстремизм ва интернет тармоқларидаги таваккалчиликка асосланган қимор ўйинларига қарши кураш ҳамда автомобиль бошқаришда йўл ҳаракати қоидаларига риоя этиш тўғрисида йиғилиш бўлиб ўтди.

Йиғилишга таклиф этилганлар коррупция тўғрисидаги қонуннинг мақсади унга қарши курашиш соҳасидаги муносабатларни тартибга солиш ва коррупцияга оид ҳуқуқбузарликлар ҳақида таъкидладилар.

Абдурахмон ҲАМИДОВ,
Наманган вилояти ФВБ ШХБ бошлиғи, подполковник.
Искандар НУРАЛИЕВ,
Наманган шаҳар ФВ бўлими бошлиғи ўринбосари, капитан.

ОДИН ДЕНЬ ИЗ МОЕЙ ПРАКТИКИ

На основании соответствующих приказов МЧС Республики Узбекистан прохожу практику в Управлении по чрезвычайным ситуациям Республики Каракалпакстан. В ходе стажировки в целях закрепления теоретических знаний, полученных от преподавателей, я ознакомился с имеющимся в 10-м пожарно-спасательном отряде Кунградского районного отделения МЧС пожарно-спасательными машинами и оборудованием, а также с ведением служебной документации и ещё ознакомился с работой в повседневной деятельности личного состава, получил необходимую мне информацию, высказывал свои предложения. Я верю, что полученные знания, навыки, помогут мне в моей будущей карьере военнослужащего.

На основании соответствующих приказов МЧС Республики Узбекистан прохожу практику в Управлении по чрезвычайным ситуациям Республики Каракалпакстан. В ходе стажировки в целях закрепления теоретических знаний, полученных от преподавателей, я ознакомился с имеющимся в 10-м пожарно-спасательном отряде Кунградского районного отделения МЧС пожарно-спасательными машинами и оборудованием, а также с ведением служебной документации и ещё ознакомился с работой в повседневной деятельности личного состава, получил необходимую мне информацию, высказывал свои предложения. Я верю, что полученные знания, навыки, помогут мне в моей будущей карьере военнослужащего.

Н.БЕКБЕРГЕНОВ,
курсант Академии МЧС РУ.

БАҲОР САЙЛИ

Наманган ҳарбий прокуратураси, куч тузилмалари ва фахрийлар ҳамкорлигида Чортоқ туманининг чегараолди ва олис ҳудудларидаги “Сарой”, “Деҳқонобод” ва “Арбағиш” маҳаллалари ёшлари иштирокида сайил ўтказилди.

Ҳудуддаги 5-умумтаълим мактабида ўтган тадбирда, 42- ва 43-умумтаълим мактабларидан етти юздан зиёд ўқувчилар иштирок этишди.

Сўз олганлар ватанпарварлик туйғуси шаклланишида мактаб, маҳалла ва ҳарбий хизматнинг ўрни, буюқ аждодларимиз, жадидлар ҳақида шунингдек, ёшларга яратилган кенг имкониятлар хусусида сўз юритдилар.

Абдумалик АБДУСАМАДОВ,
Наманган ҳарбий прокурорининг ёрдамчиси, адлия полковниги.

ТАДБИР

Наманган вилояти ФВБ ташаббуси билан ҳамкор ташкилотлар иштирокида ёшларни ҳарбий ватанпарварликка тайёрлаш, улар онгига ватанпарварлик, мардлик туйғуларини синдириш мақсадида “Ватан – улуғ, бурч – муқаддас!” мавзусида тантанали тадбир ташкил этилди.

Тадбир сўнггида ёшлар қутқарув автомашиналари ва ундаги қутқарув асбоб-анжомлари билан яқиндан танишдилар.

Ойбек ТОШТЕМИРОВ,
Наманган вилояти ФВБ бошлиғи ўринбосари, полковник.

Farg'ona shahar "Ilg'or" MFY hududida qurilayotgan "Ekoshahar"da press-tur tashkil etildi.

PRESS-TUR



Ushbu tadbir davomida qad rostlayotgan turar-joy binolarining shaharsozlik norma qoidalariga qay darajada amal qilinayotganiga ahamiyat qaratildi. Tutun hamda yong'in xabarlagichlarning yangi, zamonaviy turlari haqida OAV xodimlariga, shuningdek, anjuman qatnashchilariga mutaxassislar tomonidan ma'lumotlar berildi. Favqulodda vaziyatlarning oldini olish va bunday vaziyatlarda harakat qilish yuzasidan aholi o'rtasida muntazam ravishda targ'ibot tadbirlari amalga oshirilayotgani va ushbu tadbirlarga aholi qiziqishlarini oshirish maqsadida ko'plab fikrlar ilgari surildi. Yong'in texnik ekspertizasi xodimlari tomonidan ham hozirgi kundagi dolzarb muammolardan biri bo'lib kelayotgan avtomobillarda yuz berayotgan yong'inlarga sababchi bo'layotgan muhim omillarning oldini olish yuzasidan ham bir qator samarali takliflar berildi.

Ahliddin ALIJONOV,
Farg'ona viloyati FVB axborot xizmat boshlig'i, kapitan.

HARBIY QISMDA

Pop tumani FV bo'limiga birlashtirilgan 2-sektor hududidagi yoshlarni harbiy qism faoliyati bilan yaqindan tanishtirish maqsadida sayohat tashkil etildi.

Mahalla yoshlari harbiy qismda askarlarning yashash sharoitlari, harbiy tayyorgarlik borasida o'quv mashg'ulotlari jarayonlari bilan tanishdilar. Harbiylar esa yoshlarga ushbu sharaflilik kasb mas'uliyati, mashaqqati hamda Vatan himoyasi muqaddas burch ekanligi haqida gapirdilar.

O'tkirjon MAMASODIQOV,
Pop tumani FV bo'limi bo'linma boshlig'i, leytenant.

Milliy gvardiya Namangan viloyati bo'yicha boshqarmasi hamda viloyat Qo'riqlash va Favqulodda vaziyatlar boshqarmalari hamkorligida Milliy gvardiyaga birlashtirilgan mahalla yoshlari hamda maktab o'quvchilari ishtirokida "Ochiq eshiklar kuni" o'tkazildi.



YOSHLAR – YURT TAYANCHI

Tadbir Milliy gvardiya harbiy xizmatchilarining jangovar chiqishlari, harbiy anjom-aslahalar, harbiy texnikalar ko'rgazmasi, chavandozlar maktabi mutaxassislar tomonidan tashkil etilgan ot minish, ot ustida kamondan otish kabi mahorat darslari bilan davom etdi.

A.ABDULLAYEV,
Davlatobod tumani FV bo'limi boshlig'i, podpolkovnik.
I.MELIBOYEV,
Namangan viloyati FVB axborot xizmati yetakchi mutaxassisi.

SANAGA BAG'ISHLANDI

Namangan viloyati FVB rahbariyati tomonidan 8-mart – Xalqaro xotin-qizlar kuni munosabati bilan sohada xizmat olib borayotgan barcha ayol-qizlar uchun bayram dasturi tashkil etildi.

Dastlab, boshqarma boshlig'i tomonidan, Favqulodda vaziyatlar vaziri hamda viloyat hokimining bayram tabrigi o'qib eshittirildi.

Shuningdek, boshqarma boshlig'i polkovnik Bunyod Egamnazarov ham o'zining samimiy tilaklarini yo'lladi.

Shundan so'ng, boshqarma boshlig'ining buyrug'iga asosan boshqarma tizimida o'z xizmat vazifalariga sidqidildan yon-

dashgan xizmatchi va harbiy xizmatchi ayol-qizlarimizga bir xil miqdorda pul mukofoti hamda bayram sovg'alari bilan taqdirlandilar.

Dildora ASHURMATOVA,
Namangan viloyati FVB xodimi.

Shoira DAVLYATOVA,
Uychi tumani FV bo'limi inspektori, kichik serjant.



Taxiatosh tumani FV bo'limi boshlig'i, podpolkovnik R.Kaniyazov boshchiligidagi tumanning 2-sektoridagi 16- hamda 18-umumta'lim maktablari o'quvchilari bilan Uch avlod uchrashuvi hamda yong'in o'chirish va qutqaruv asbob-uskunalarining ko'rgazmasi o'tkazildi.

UCH AVLOD UCHRASHUVI

Mazkur tadbirda FVV Akademiyasi bo'lim katta ofitseri mayor J.Xidirov va Akademiyaning 5-kurs kursantlari, nafaqadagi podpolkovnik B.Jiyenbayev, nafaqadagi mayor N.Kulbarakov, Qoraqalpog'iston Respublikasi FVB maxsus vazifalarni bajarish bo'yicha qutqaruv otryadi ekipaji hamda Taxiatosh tumani FV bo'limi 16-YQQning yong'in o'chirish ekipajlari jalb qilindi.

Uchrashuvda yoshlarga harbiy vatanparvarlik tarbiyasi umumiy tarbiyaning tarkibiy qismi ekanligi, bunda yoshlarning vatanga muhabbati va sadoqatini mustahkamlash, ona yurt oldidagi farzandlik burchini yuksak mas'uliyat bilan bajarish, ularda nafaqat qutqaruvchilik kasbiga, balki Qurolli Kuchlarimizga nisbatan ijobiy fikrlarini yanada oshirish, harbiy xizmat nufuzini ko'tarish, yoshlarni jismonan sog'lom, ma'naviy etuk, keng dunyoqarashli, mustaqil fikr yuritadigan barkamol inson sifatida shakllantirish kabi ezgu ishlarga da'vat etuvchi tushunchalar berildi.

S.QURBONBOYEV,
Taxiatosh tumani FV bo'limi 16-YQQ boshlig'i, mayor.

FVV Boshlang'ich tayyorgarlik va malaka oshirish markazi tinglovchilari o'rtasida "Eng yaxshi yosh kitobxon" ko'rik-tanlovi bo'lib o'tdi.

KO'RIK-TANLOV



Ko'rik-tanlovini markaz boshlig'i polkovnik Sh.Ayubov kirish so'zi bilan ochib, mamlakatimizda yoshlar siyosatiga alohida e'tibor berilayotganligi, yoshlarga yaratilayotgan shart-sharoitlar va imkoniyatlar, bilim, intiluvchan va tashabbuskor yoshlarni har tomonlama qo'llab-quvvatlash borasida ko'plab ishlar amalga oshirilayotganligi, bu borada FVV xodimlari ham o'zlarining munosib hissasini qo'shib kelayotganliklarini alohida ta'kidladi.

Tanlovda tinglovchilar uchta shart bo'yicha bellashishdi. Bahslar qizg'in va ko'tarinki ruhda o'tib, hakamlar hayati har bir tinglovchining ishtirokini munosib baholab bordi.

Musobaqa yakuniga ko'ra g'olib bo'lgan tinglovchilarga va faol ishtirokchilarga esdalik sovg'alar va faxriy yorliqlar topshirildi.

B.ISHNAZAROV,
FVV BTvaMOM Axborot-resurs markazi boshlig'i, kichik serjant.

I.SULTONOV,
Axborot-resurs markazi elektron kutubxona mutaxassisi, oddiy askar.

UCHRASHUV

Toshkent shahar Yashnobod tumanidagi 61-umumta'lim maktabi bitiruvchilarini vatanparvarlik ruhida tarbiyalash va ularni Vatanga sadoqatli, harbiy vatanparvarlik, yuksak ma'naviy-axloqiy qadriyatlar ruhida shakllanishi maqsadida tadbir o'tkazildi.

I.BEKJONOV,
Bosh vazir kotibiyati Hukumat uyidan foydalanish boshqarmasida va avtoxo'jaligi binolarida YXTEB inspektori, kapitan.

TEATR VA SAYOHAT

Qashqadaryo viloyati FVB tashabbusi bilan Mulla To'ychi Toshmuhammedov nomidagi viloyat drama teatrida Abdulla Qodiriyning "Baxtsiz kuyov" asari asosida sahnalashtirilgan spektakl soha xodimlari, ularning oila a'zolari, shuningdek, Qarshi tumani 2-sektor yoshlariga ko'tarinki kayfiyat ulashdi.



Shu kunning o'zida yoshlar uchun Qarshi shahridagi "Vatanparvarlar bog'i"da sayohat uyushtirildi. Yoshlarga milliy armiyamizning o'tmishidan so'zlovchi tarixiy qo'lyozmalar va harbiy sohaga oid eksponatlar haqidagi ko'plab qiziqarli ma'lumotlar yetkazildi.

Aziz QUDRATOV,
Qashqadaryo viloyati FVB bosh inspektori, katta leytenant.

NAFOSAT GULSHANI

8 mart – Xalqaro xotin-qizlar kuni munosabati bilan FVV Akademiyasi ayollari o'rtasida sportning badminton, 100 metr masofaga yugurish, sport granatasini ulotirish hamda shashka o'yini turlari bo'yicha musobaqa tashkil etildi.

Qizg'in va murosasiz kechgan musobaqa natijalariga ko'ra, faxrli o'rinlarni egallagan g'olib va sovrindorlar Favqulodda vaziyatlar vaziri va Akademiya faxriylari, harbiy xizmatchilari, ayol xodimlar va kursantlar ishtirok etgan Xalqaro xotin-qizlar kuniga bag'ishlab o'tkazilgan tantanali tadbirda diplom va medallar bilan taqdirlandilar.

Tadbirda so'z olgan Akademiya boshlig'i general-mayor Ravshan Haydarov yurtimizdagi barcha munis ayollarimizni, shu jumladan, akademiya erkaklari bilan bir safda turib yurt osoyishtaligi, tinchligi yo'lida, xizmat qilayotgan hamda porloq ke-

lajagimiz davomchilari bo'lgan yosh avlodni kamol toptirish, tarbiyalash kabi o'ta mas'uliyatli vazifani ado etib kelayotgan barcha xotin-qizlarni tabrikledi. Shuningdek, Favqulodda vaziyatlar vaziri general-mayor A.Qo'ldoshev hamda Akademiya boshlig'i general-mayor Ravshan Haydarovning bayram munosabati bilan soha malikalarini mukofotlash to'g'risidagi tegishli buyruqlari o'qib eshittirildi va "Mo'tabar ayol" ko'krak nishoni, tashakkurnoma va pul mukofotlari tantanali topshirildi.

Farhodjon XOJAYEV,
FVV Akademiyasi
katta o'qituvchisi.



MARKAZDA VIKTORINA

FVV Boshlang'ich tayyorgarlik va malaka oshirish markazida "Favqulodda vaziyatlarni bartaraf etish bizning asosiy vazifamiz" mavzusida viktorina o'tkazildi.

Uning birinchi shartida "Yong'in o'chirish taktikasi" va "Yong'in-qutqaruv texnikasi asoslari" fanlaridan tezkor savol-javoblar amalga oshirildi. Viktorina yakunida birinchi o'rinni oltinchi guruh tinglovchilari egal-

lashdi, ikkinchi o'rinni uchinchi guruh tinglovchilari egallashgan bo'lishsa, uchinchi o'rin birinchi guruh tinglovchilariga nasib etdi. Viktorina yakunida g'oliblarga diplom va esdalik sovg'alari topshirildi.

J.XOLMURODOV,
FVV BT va MOM sikl katta
o'qituvchisi, mayor.

V.AMONULLOYEV,
sikl o'qituvchisi, katta
leytenant.

FM TADBIRLARI

Jizzax viloyati Paxtakor tumanida "Boshqaruv organlari, favqulodda vaziyatlar davlat tizimi hududiy va funksional quyi tizimlarining favqulodda vaziyatlar oqibatlarini bartaraf etish bo'yicha harakati" mavzusida qo'mondonlik-shtab o'quv mashqi o'tkazildi.

FVDT hududiy quyi tizimlarining boshqaruv organlari, kuch va vositalarining tayyorgarlik darajasini muvofiqlashtirish, harakatlarini takomillashtirish maqsadida tashkil etilgan mazkur o'quv mashqida, 6-umumta'lim maktabida hamda 2-maktabgacha ta'lim tashkilotida "Favqulodda vaziyatlar bolalar nigohida" mavzusida fuqaro muhofazasi kuni tadbirlari tashkil etildi.

Shuningdek, ish bilan band bo'lmagan aholi bilan favqulodda vaziyatlarning oldini olishga

qaratilgan chora-tadbirlar asosida aholi punktlarida kuz-qish mavsumida sodir bo'lishi mumkin bo'lgan favqulodda vaziyatlarning oldini olish bo'yicha soha yo'nalishida mavzuga oid profilaktik tushuntirish ishlari amalga oshirildi. Ish bilan band bo'lmagan aholiga favqulodda vaziyatlarda to'g'ri harakat qilish bo'yicha bilim ko'nikmalari takomillashtirilib, mavzuga oid eslatma materiallar tarqatildi.

B.QOBILOV,
Jizzax viloyati FVB
HF XO'M o'qituvchisi.

Olmalik shahar FV bo'limida "Yosh qutqaruvchi" ko'rik-tanlovining shahar bosqichi o'tkazildi.

MUROSASIZ BAHSLAR



Musobaqada 19-umumta'lim maktabining "Shijoat", 16-umumta'lim maktabining "Legion", 7-umumta'lim maktabining "Xaloskorlar", 3-umumta'lim maktabining "Alpomishlar" va 11-umumta'lim maktabining "Najotkorlar" jamoalari o'zaro bellashdilar.

Murosasiz kechgan bahslarda 3-o'rinni "Najotkorlar" va "Legion" jamoalari, 2-o'rinni "Xaloskorlar" jamoasi, musobaqaning mutlaq g'olibligini "Shijoat" jamoasi qo'lga kiritdi. G'oliblar tuman FV bo'limining faxriy yorliqlari hamda qimmatbaho sovg'alari bilan taqdirlandilar.

A.YO'LDOSHYEV,
Olmalik shahar FV bo'limi boshlig'i,
podpolkovnik.

X.ELBOYEV,
bo'lim bo'linma boshlig'i, kapitan.



"LUOK" MCHJ "Hisor" neft-gaz qazib chiqarish sexida maxsus-taktik mashq o'tkazildi.

TAYYORGARLIK

Obyektida sodir bo'lishi mumkin bo'lgan texnogen ko'rinishdagi avariya va yong'inlarni bartaraf etish vaqtlarida obyekt fuqaro muhofazasi tuzilmalari va boshqa tezkor xizmatlar harakatlarini mukammallashtirish, favqulodda vaziyatlarda ularning tayyorgarligi qay darajada ekanligini tekshirish, tabiiy va texnogen ko'rinishdagi favqulodda vaziyatlarda fuqaro muhofazasi tuzilmalari boshqaruv xizmatlarining amaliy ko'nikmalarini oshirish maxsus-taktik mashqning asosiy maqsadi qilib olindi.

S.HAMIDOV,
"LUOK" MChJ Qashqadaryo viloyatidagi
OYXTTEB P va NB inspektori, kapitan.

KO'RGAZMALI UCHRASHUV

Yangiariq tumani "Boyot" mahallasidagi 283 nafar yoshlar bilan tuman FV bo'limi, Urganch harbiy prokuraturasi, tuman mudofaa bo'limi, Xorazm viloyati Yangiariq tumani Milliy gvardiya xodimlari bilan yoshlarni "Vatanparvarlik va milliy qadriyat" mavzusida ko'rgazmali uchrashuv o'tkazildi.

D.JUMANIYOZOV,
Yangiariq tumani FV bo'limi boshlig'i,
podpolkovnik.

"YOSH QUTQARUVCHI" MUSOBAQASI

To'raqo'rg'on tumani FV bo'limi hamda xalq ta'limi bo'limi bilan hamkorlikda tumandagi "Yosh qutqaruvchi" ko'ngillilar klubi jamoalari o'rtasida "Yosh qutqaruvchi" musobaqasining tuman bosqichi bo'lib o'tdi.

Unda tumandagi maktablardan 8 ta jamoa ishtirok etdi.

Musobaqa yakunlariga ko'ra, 42-umumta'lim maktabining "Qalqon" jamoasi 3-o'rinni, 1-umumta'lim maktabining "Yosh qutqaruvchi" jamoasi 2-o'rinni, 30-umumta'lim maktabining "Burgutlar" jamoasi esa 1-o'rinni qo'lga kiritdilar. G'olib jamoa viloyat bosqichiga yo'llanma oldi.

Anvarjon ARIPOV,
To'raqo'rg'on tumani FV bo'limi
bo'linma boshlig'i, mayor.



MINI FUTBOL

Pop tumani FV bo'limiga birlashtirilgan 2-sektor hududidagi yoshlar o'rtasida sportning mini futbol turi bo'yicha musobaqaga start berildi.

Tadbirning ochilish marosimida so'z olgan tuman FV bo'limi boshlig'i barcha jamoalarga omad tiladi. So'ng jamoalar o'zaro bellashuvga kirishdilar.

O'tkirjon MAMASODIQOV,
Pop tumani FV bo'limi
bo'linma boshlig'i, leytenant.

MUNOSIBLAR TAQDIRLANDI

Chinoz tumani hokimligida Favqulodda vaziyatlar vazirligining 28-yilligiga bag'ishlangan bayram tadbiri o'tkazildi.



Tadbir davomida tuman FV bo'limida uzoq yillar davomida xizmat qilayotgan, o'zining mehnat faoliyati davomida yuqori natijalarga erishib, tuman ravnaqi uchun o'z hissasini qo'shib kelayotgan xodimlarga hokimlik tomonidan sovg'alar va tashakkurnomalar berilib, ularni aholining tinchligi va farovonligi yo'lida amalga oshirilayotgan ishlari e'tirof etildi.

Alisher MAVLONOV,
Chinoz tumani hokimligi
axborot xizmati rahbari.

Маърифат соати



ЎЗБЕК МИЛЛИЙ МЕНТАЛИТЕТИНИНГ

ЎЗИГА ХОС ХУСУСИЯТЛАРИ

Барчамизга маълумки, менталитет авлоддан-авлодга ўтиб келаётган тарбиянинг натижаси сифатида жамиятнинг ҳар бир аъзосининг ҳис-туйғулари, онги ва иродасида намоён бўлади. Миллий маданиятнинг бир қисмини ифода этган ҳолда инсонларнинг ички кечинмалари, онгида шаклланади.

Менталитет (лотинча менс – ақл, идрок) – жамият, миллат, жамоа ёки алоҳида шахснинг тарихий таркиб топган тафаккур даражаси, маънавий салоҳияти, уларнинг ҳаёт қонунларини таҳлил этиш кучи, муайян, ижтимоий шароитларда шаклланган ақлий қобилияти, руҳий қувватини ифода этадиган тушунча ҳисобланади. Жамият, миллат ёки шахснинг менталитети уларнинг ўзига хос миллий анъаналари, расм-русумлари, урф-одатларини ҳам қамраб олади. Ҳар бир миллатнинг менталитети турфа хил ва ўзига хосдир. Бу ҳол ўз этник мансублигини идрок этишга ёрдам беради, ижтимоий ҳамда ахлоқий тажриба миллий шакллари авлоддан-авлодга ўтишида восита вазифасини ўтайди. Муайян гуруҳ ёки миллат, халқ менталитети унинг маданий аҳволига ҳам боғлиқ ҳисобланади. Менталитет миллат руҳини тушуниш, англаш билан бирга, унинг ҳаётини фаолиятига хос хусусиятларни билишнинг ҳам қалити ҳисобланади.

Менталитет маълум даражада муайян мамлакат, сиёсий ҳаёт, этник ва маданий анъаналар, ижтимоий алоқаларга боғлиқдир. Дунёда ҳар бир миллат ўзига хос феъл-атворга эгадир. Шунинг учун ҳам турли минтақада яшаётган халқлар турлича яшаш тарзига, бир-бирига ўхшамаган урф-одатларга эга бўлишади. Менталитет нисбатан муқим, барқарор ҳодиса бўлсада, оммавий онга иқтисодий ва руҳиятдаги мулоқот, силжишлар ва ҳокимият шаклига боғлиқ ҳолда менталитетда ўзгаришлар юз бериши мумкин. Менталитет илдишлари қанчалик чуқур экани, айниқса, фольклор маданиятида намоён бўлади. Менталитет ижтимоий тарихнинг ажралмас жиҳати сифатида кишиларнинг тушунча ва тасаввурлари орқали ифодаланади. Бу тушунча ва тасаввурлар эса тил, ижтимоий муносабат, маданият орқали кишилар онгига синдирилади.

Шу ўринда қайд этиш жоизки, ўзбек халқига хос менталитет узоқ тарихий даврдаги ижтимоий-иқтисодий,

сиёсий жараёнлар, табиий географик ўрнашув, ўзаро этномаданий алоқалар асосида қарор топган. Асрлар давомида ўзбек халқи муҳим савдо-сотиқ, илм-фан, меъморчилик, ҳунармандчилик марказлари, халқлар ва мамлакатларни бир-бири билан боғлаб турган йўллар чорраҳасида яшагани сабабли, унинг менталитети анча тараққий этиб борган. Қолаверса, ақлий-интеллектуал имкониятлар ҳамда руҳий-психологик қарашларни қамраб олган. Ўзбеклар тарих саҳнасидаги миллат сифатида ўз сафларига кўплаб туркий уруғларни бирлаштириш йўли билан пайдо бўлганлиги боис, бағри кенг ҳамда миллатчилик кайфиятидан йироқ халқ сифатида шаклланган. Шунинг учун ҳам бугунги замонавий Янги Ўзбекистонда кўплаб миллат ва элатларнинг вакиллари тинч ва осойишта ҳаёт кечирмоқдалар.

Ўзбек халқининг юксак миллий кадр-қиммати, ор-номуси ва шон-шарафи унинг ўта меҳрибонлиги ва соф виждонига асослангандир. Миллий ифтихор ҳам ғурур туйғуси сингари миллий онг мазмунининг муҳим омилдир. Ўзбеклар диёнат, ор-номус, шарм-ҳаёни, меҳмондорчиликни ижтимоий ҳаётнинг ҳамма жабҳаларида муҳим фазилат, деб қабул қилишган. Шундай хислатлар баъзан, бу фақат “ўзбекона фазилат” деб юритилади. Миллатимизда оила менталитетнинг синтезли ташувчиси сифатида эътироф этилади. Оила, аввало, қадимий анъана ва қадриятларнинг сақловчиси. Чунки айнан унда умуминсоний қадриятларга бошланғич муносабат шаклланади. Оилавий қадриятлар ва урф-одатлар орқали миллий анъаналар вужудга келади.

Ўзбек халқининг этник жиҳатидан кўп тармоқли ва сертомир эканлиги унинг менталитетида барча уруғ ва ижтимоий қатламлар учун умумий жиҳатлар, жамоа манфаатларини ҳимоя қилувчи фазилатнинг, айниқса, ривож топишни тақозо этиб келган. Миллий менталитетимизга хос жиҳатлардан яна бири жамият ҳаёти,

инсонлар турмуш тарзини кўпроқ анъана урф-одатлар орқали бошқарилишидир. Ўзбек халқи оила қуриш анъаналарига риоя қилишда, қиз узатиш ёки куёв танлашда ҳам бўлажак кудалари ҳақида муқаммал маълумотга эга бўлиш, уларнинг ижтимоий келиб чиқишини, жамоада тутган ўрнини ҳисобга олишга ҳаракат қилишади. Фарзандларни яхшига қўшиш, бу борада хато қилиб қўймасликда жамоа, жамият раъйи, кўпчиликнинг кенгашли фикри муҳим роль ўйнайди. Шу боисдан ҳам жамоатчилик фикрининг шахс турмуш тарзи, тақдирини белгилашдаги устуворлик мавқеи беқиёсдир.

Дарвоқе, узоқ давом этган собиқ совет давлатининг мафқуравий тазйиқлари оқибатида кўплаб диний ва миллий қадриятларимиз эътиборсиз қолди, узоқ тарихга эга бўлган муқаддас анъана ва маросимларимиз “эскилик сарқити” сифатида камситилди, миллий удумларимизнинг тарихий асосларига ҳолисона баҳо берилмади. Ўзбекистон мустақилликка эришгач, ўтмишдан мерос бўлиб ўтган ана шундай салбий ҳолатларга янгича нигоҳ билан қараш, аждодларимиз томонидан кўп асрлар мобайнида яратилган ғоят улкан, бебаҳо маънавий, маданий меросимизни, ўтмиш тарихимизни, қолаверса, умуммиллий маънавий ислохотларни амалга ошириш асосий вазифалардан бири сифатида эътироф этилди ва улар давлат сиёсати даражасидаги ғоят муҳим вазифа қилиб белгиланди. Бугунги кунда ҳаётини заруратнинг ўзи халқимиз феъл-атвори, менталитетини янгилашга жиддий эътибор қаратишга ундамоқда. Умуман олганда, миллий менталитет билан боғлиқ масалалар алоҳида диққатга сазовор жараёндир. Чунки бир томондан, у жаҳонда, мамлакатда содир бўлаётган ижтимоий жараёнлар таъсирида ўзгариб борса, иккинчи томондан, ушбу ижтимоий жараёнларнинг ўзига акс таъсир кўрсатади.

Ёшлар маданият намуналарини фаол ўзлаштирувчиларидир. Жамиятда тарбия топаётган келгуси авлод ўзидан олдинги авлоднинг эришган ютуқлари, анъана ва маросимлари,

урф-одатлари, бир сўз билан айтганда, маданият намуналарини ўзлаштирибгина қолмай, балки уни ривожлантиради ва кейинги авлодга етказилади. Хусусан, халқнинг асрлар давомида ўзига хос тарихий йўлни босиб ўтиш асносида шаклланган миллий менталитет хусусиятларини ёш авлод томонидан ўзлаштирилиш жараёни мураккаб жараёндир. Ёшларнинг ҳаётда фаолият олиб боришларида қайси менталитет хусусиятларини ўзлаштирганликлари асосий ўринга эгадир. Шу нуқтаи назардан менталитетни ўрганиш ва илмий жиҳатдан тадқиқ этиш ўта долзарб ҳисобланади. Менталитет ўзини маълум миллат, халқ миллий менталитетида ўз аксини топади. Миллий менталитетнинг ўзаги, бу – ижтимоий характердир, яъни ўз хусусиятларини ижтимоий характер орқали намоён этади. Ижтимоий характер ишлаб чиқариш усулининг талаб ва эҳтиёжлари асосида шаклланади экан, демак, маълум бир жамиятга хос бўлган ишлаб чиқариш усули ўзгармасдан туриб ижтимоий характерда ҳам ўзгаришлар бўлишини кутиш мумкин эмас. Миллий менталитетнинг асосий таркибий қисми бўлган ижтимоий характер мазкур жамиятга хос бўлган ишлаб чиқариш усулининг талаб ва эҳтиёжлари асосида шаклланади. Ижтимоий характер миллатнинг ўзига хос бошқа хусусиятлари, миллий ўзликни англаш даражаси, миллий ғоя, диний эътиқод, фалсафа, санъат, адабиёт, қадриятлар тизимларида ўз ифодасини топади, уларга ўз таъсирини ўтказилади.

Хулоса қилиб айтиш мумкинки, бутун жаҳон бўйича улкан глобализация жараёнлар кечаётган бир вақтда ўзбек миллий менталитетини тадқиқ қилиш, унинг нечоғлик умуминсоний қадриятларга мослигини кузатиш имконини беради. Шунингдек, халқимизнинг қадимий анъаналари, азалий урф-одат ҳамда маросимларига эга бўлиши билан биргаликда, ўзига хос ва ўзига мос миллий менталитетга эга халқ эканлигидан далолат беради.

“Vaziyat” мухбири
Анвар ҚОБИЛОВ
тайёрлади.

TUSHUNTIRISH ISHLARI

Xorazm viloyati FVB tomonidan boshqarmaning barcha tuman-shahar bo'limlari bo'ylab korrupsion holatlarga qarshi kurashish va uning oldini olish maqsadida harbiy xizmatchilar va xizmatchilar o'rtasida targ'ibot tadbirlari olib borilmoqda.

Mazkur targ'ibotlar davomida xodimlar zimmasidagi mas'uliyati, o'zlarining huquq-majburiyatlari va vazifalari yuzasidan huquqiy bilimlar berilib, o'z vazifalariga halol va vijdonan yondashishlari lozimligi yuzasidan tushuntirishlar berilmoqda.

Kamoliddin RAHMONQULOV,
Xorazm viloyati FVB shaxsiy xavfsizlik bo'limi boshlig'i, podpolkovnik.

Avtomobil dvigatelidan chiqqan gazlarning nafas yo'lga tushishiga yo'l qo'ymang. Ishlangan gazlar tarkibida rangsiz va hidsiz is gazi mavjud. Is gazi esa salomatlik uchun juda xavfli. Inson undan nafas olganda hushining yo'qolishiga va o'limga olib kelishi mumkin.

AVTOMOBILDAN CHIQUADIGAN GAZLAR

Agar ishlangan gazlar transport vositasi ichiga kirayotganini sezangiz, darhol transport vositasini rasmiy dellirda tekshirish va ta'mirlatish talab etiladi. Buning uchun ma'lum bir masofani bosib o'tishga to'g'ri kelsa, avtomobilni oynalari ochiq holatda haydang. Avtomobilga ishlangan gazlar kirishining oldini olish uchun har safar moyni almashtirish uchun avtomobilni yuqoriga ko'targanda, gazlar chiqariladigan tizim chiqaradigan tovushda o'zgarish sezilganda, avtomobilning tag yoki orqa qismi shikastlanganda yoki korroziyaga uchraganda ishlangan gazlar chiqariladigan tizim va korpus tekshiruvdan o'tkazilishi kerak. Avtomobil berk joylarda ishlab turgan dvigatelda uzoq vaqt turib qolishiga to'g'ri kelsa, tashqaridan havo kirishini ta'minlash uchun havo so'rgich dastagini toza havo oqimi rejimiga o'zgartiring va ventilyator boshqaruv dastagini eng yuqori tezlikka o'tkazing.

Jasur UMIROV,
NKMK bo'lim inspektori,
katta serjant.

MUROJAAT YUZASIDAN

O'tgan yilning 12 oyi mobaynida Qashqadaryo viloyati FVBga tabiiy hodisalar bilan bog'liq ko'plab murojaatlar kelib tushgan.

Xususan, Yakkabog' tumani "Qo'shchinor" MFYda yashovchi ayrim fuqarolarning yashash uyi tomorqasini yog'ingarchiliklar sabab yuzaga kelayotgan sel suvlari yuvib ketish xavfi borligi haqida murojaat yo'llangan. Viloyat FVB mas'ullari barcha zarur kuch-vositalarini jalb etgan holda, u yerda daryo qirg'oqlarini mustahkamlash ishlarini olib borishdi. Shuningdek, sel kelishi, kuchli shamol bo'lishi, harsang toshlar qulashi, yer va qor ko'chkisi kuzatiladigan Shahrizabzning Ko'l qishlog'i aholisini tuman markazi bilan bog'lovchi avtomobil yo'lining qariyb 10 kilometr qismi qalin qordan tozalandi. Tik qiyaliklarda yer yoki qor ko'chish xavfi bo'lgan hududlarda fuqarolarning harakatini cheklash maqsadida qo'shimcha belgilar o'rnatish ishlari amalga oshirildi.

O.RAHMONOV,
Qashqadaryo viloyati FVB bo'lim boshlig'i, podpolkovnik.
SH.QOBILOV,
Yakkabog' tumani FV bo'limi boshlig'i, podpolkovnik.



TO'SIQLAR OLIB TASHLANDI

Olmazor tumani Prokuraturasi, tuman FV bo'limi, tuman IIOFMB, tuman Kadastr agentligi, tuman Yo'l harakati xavfsizligi bilan hamkorlikda tumandagi ko'p qavatli uylar, yakka tartibdagi xonadonlar yo'llarini, tor ko'chalarni va o'tish joylaridagi to'sib va yopib qo'yilgan sun'iy tosiqlar olib tashlanib, shoshilinch xizmat avtoulavlariga harakatlanish imkoniyati yaratib berildi.

J.MIRZOYEV,
Olmazor tumani FV bo'limi P va NB inspektori, leytenant.

Toshkent tumani "Sabzavod" MFYdagi 25-umumta'lim maktabida targ'ibot tadbirlari o'tkazildi.

Unda tuman FV bo'limi tomonidan otaliqqa olingan yoshlarning muammolarini tizimli o'rganish, ular bilan ochiq muloqotlar o'tkazib borish orqali vatanparvarlik, jamiyat hayotiga daxldorlik va yurtimizdagi qonunlarga hurmat bilan qarash hamda qalbida ezgulik tuyg'ularini shakllantirish borasida har bir yosh

bilan yakka tartibda suhbatlashilib, hayotiy ko'nikmalarini mustahkamlash hamda ularning qiziqishlari va intilishlarini kasbga yo'naltirish to'g'risida fikr almashinildi.

MAKTABDA MULOQOT

Shuningdek, sodir bo'layotgan yong'inlarning aksariyati fuqarolarning yashash xonadonlarida sodir bo'layotganligi, fuqarolarning yong'in

chiqilgan yo'l xaritalariga asosan og'ir toifaga kiruvchi va nogironligi bo'lgan yoshlar bilan suhbatlar tashkil etildi.

O.OTAMURODOV,
Toshkent shahar FVB MTRK OYXTTEB inspektori, kapitan.

TARG'IBOT ISHLARI

Toshkent viloyati FVB "Ko'ksoroy" qarorgohi OYXTTEB yong'in nazorati va profilaktika inspektorlari tomonidan Qibray tumani "Yuqori yuz" MFYda fuqaro va xodimlar ishtirokida "Favqulodda vaziyatlar hamda yong'inlarning oldini olish" mavzusida targ'ibot ishlari tashkil etildi.

Ishchi-xizmatchi va fuqarolar bilan nosoz yoki qo'lbola usulda yasalgan gaz va elektr isitish moslamalaridan foydalanish oqibatida yong'inlar sodir bo'lishi, birlamchi yong'in o'chi-

rish vositalaridan foydalanish tartibi bo'yicha tushunchalar berib o'tildi.

Sh.ABDUMANNOPOV,
Qibray tumani FV bo'limi inspektori, leytenant.

xavfsizligi qoidalarini bilmasliklari yoki bila turib beparvolik bilan qoidalarini qo'pol ravishda buzishlari oqibatida kelib chiqayotganligi va fuqarolarning is gazidan zaharlanishiga sabab bo'layotganligi, arzimagan sovuqqonlik, e'tiborsizlik katta fojiani keltirib chiqarayotganligi ta'kidlandi.

X.ORTIQBOYEV,
Toshkent tumani FV bo'limi bo'linma boshlig'i, kapitan.



etish maqsadida targ'ibot-tashviqot ishlari o'tkazildi.

A.ZOKIROV,
O'rtachirchiq tumani FV bo'limi katta inspektori, leytenant.

L.TOSHBOLTAYEV,
bo'lim inspektori, oddiy askar.

Qashqadaryo viloyati FVB xodimlari va qator tashkilotlar hamkorligida Kasbi tumanida o'tkazilgan tadbirlarda aholiga yong'in, gaz va havo aralashmasining chaqnashi, is gazi va ovqatdan zaharlanish bilan bog'liq ko'ngilsiz hodisalarning oldini olish, birlamchi yong'in o'chirish vositalaridan foydalanish hamda to'g'ri harakat qilish tartibi bo'yicha tushunchalar berilib, eslatma va bukletlar tarqatildi.

HAMKORLIKDA

Qolaversa, tumanda yangi barpo etilayotgan qurilish obyektlarida quruvchi va mutaxassislar o'rtasida "Favqulodda vaziyatlarning oldini olish va yong'in xavfsizligini ta'minlash — eng

ustuvor vazifa" mavzusida profilaktik targ'ibot tadbiri ham tashkil etildi.

S.OLTIYEV,
Kasbi tumani FV bo'limi bo'linma boshlig'i, leytenant.

Surxondaryo viloyati FVB obyektlarda yong'in xavfsizligini ta'minlashni tashkil etish bo'limi xodimlari tomonidan "Termiz xalqaro aeroport" MCHJ ishchi-xodimlari ishtirokida yong'in xavfsizligi bo'yicha profilaktik tadbirlar amalga oshirildi.

Ushbu tadbir davomida obyektning uzluksiz elektr toki bilan ta'minlovchi 6 ta TP, favqulodda holatlarda foydalanish uchun 11 dona elektr generatorlarning sozligi va ularning ishchi

YONG'INGA QARSHI

holatidaliq to'liq o'rganilib, aniqlangan kamchiliklarni joyida bartaraf etish ishlari bajarildi. Shuningdek, aeroport hududidagi o'rnatilgan yer osti suv olgichlari o'rganildi va dalolatnomalar tuzildi. Obyektdagi mavjud barcha yong'inga qarshi qalqonlarning o'z vaqtida ta'mirlash ishlarini qay darajada tashkillashtirilganligi ko'rib

chiqildi. PQAQT xizmatidagi navbatchi smena tarkibi bilan hamkorlikda favqulodda holatlarning oldini olishda hamda yong'in o'chirish avtomobillaridan tezkor hamda samarali foydalanish bo'yicha mashg'ulotlar o'tkazildi.

J.QOSIMOV,
Surxondaryo viloyati FVB OYXTTE bo'limi inspektori (xalqaro aeroport bo'yicha), kapitan.

TO'G'RI FOYDALANING!

So'nggi yillarda respublikamiz hududida tabiiy gaz va suyultirilgan yoki siqilgan gaz bilan to'ldirilgan ballonlardan foydalanishda xavfsizlik qoidalari talablarini buzilishi natijasida turli xil ko'ngilsiz hodisalar qayd etilib, ularda insonlarning tan jarohati olib halok bo'lish holatlari kuzatilmoqda. Fuqarolarimiz osoyishtaligi va tinchligi yo'lida nosoz va yaroqsiz bo'lgan maishiy gaz ballonlaridan foydalanishga chek qo'yish, bu bilan hamyurtlarimiz hayoti xavfsizligini ta'minlash barcha fuqarolarning burchlaridan biridir.

N.SIDDIQOV,
Andijon tumani FV bo'limi inspektori,
kapitan.

Yashnobod tumani FV bo'limi, Toshkent shahar IIBB, Milliy Gvardiya va qator FVDT tuzilmalari vakillari bilan birgalikda tumandagi barcha Jome masjidlarini taroveh namozlari boshlanishi oldidan ushbu maskanlarning favqulodda va yong'in xavfsizligi, fuqarolarning xavfsizligiga oid yo'nalishlarida o'rganish ishlari olib borildi.

O'RGANISHLAR



O'rganishlar davomida asosiy e'tibor maskanning yerto'la va yuqori qavatlar, evakuatsiya yo'llarining holati va birlamchi yong'in o'chirish vositalari va ularning holati to'liqligiga e'tibor qaratildi. Shu bilan birga ishchi-xodimlarga yong'in xavfsizligi bo'yicha yo'riqnomalar berildi.

A.HAYITBOYEV,
Yashnobod tumani FV bo'limi inspektori, katta leytenant.

MAVSUMGA TAYYORGALIK

Avtomobil yo'lining "Qamchiq" dovoni qismida 18 ta sel-suv toshqini bilan bog'liq xavfli uchastkalar mavjud bo'lib, shundan 7 tasi Ohangaron, 11 tasi esa Pop tumaniga to'g'ri keladi. Ushbu hududlarda sel suvlarini betalafot o'tkazish maqsadida 180 dan ortiq suv o'tkazish inshootlari mavjud.

Temir yo'lining "Angren" va "Temiryo'lobod" stansiyalari oralig'idagi 26 ta sel, suv toshqinlari bilan bog'liq xavfli uchastkalarda 240 dan ortiq sun'iy suv o'tkazish inshootlari o'rnatilgan.

M.JO'RAYEV,
"Qamchiq" MQYQB FVPB katta texnigi, kichik serjant.

PROFILAKTIK UCHRASHUV

Yashnobod tumani FV bo'limi profilaktika inspektorlari tomonidan Nizomiy nomidagi Toshkent davlat pedagogika universitetida ko'ngilsiz hodisalarning oldini olish bo'yicha uchrashuv tashkil etildi.

Tadbir davomida is gazidan zaharlantirishning, gaz-havo aralashmali chaqnash kabi favqulodda vaziyatlarning oldini olish hamda yong'in xavfsizligini ta'minlash bo'yicha tushuntirishlar berildi.

A.HAYITBOYEV,
Yashnobod tumani FV bo'limi inspektori,
katta leytenant.

Uchquduq shahrida Yong'in qutqaruv amaliy sporti yo'nalishi bo'yicha ShKB OYXTE bo'limi birinchiligi musobaqasi bo'lib o'tdi. Unda bo'lim tasarrufidagi 6-, 7-, 8-, 9-YQQ terma jamoalari ishtirok etishdi.



G'OLIBLAR TAQDIRLANDI

Musobaqa shartlariga ko'ra, ishg'ol qilish narvonida o'quv minorasining 4-qavatiga ko'tarilish, 100 metrga to'siqlar osha yugurish va yong'in o'chirish estafetasi hamda yong'in-qutqaruv avtomobili orqali jangovar yoyilish turlari bo'yicha g'oliblik uchun kurash olib borildi.

Qizg'in va murossasiz kechgan musobaqaning umumiy na-

tijalariga ko'ra, faxrli 1-o'rinni 6-YQQ terma jamoasi qo'lga kiritgan bo'lsa, 2-o'rin 8-YQQ terma jamoasiga va 3-o'rin 9-YQQ terma jamoasiga nasib etdi.

Musobaqa yakunida g'olib va sovrindorlar diplom va esdalik sovg'alari bilan taqdirlandilar.

Avaz ORTIQOV,
ShKB OYXTE bo'limi boshlig'i, podpolkovnik.

BUNI BILISHIMIZ ZARUR!

Yong'in xavfsizligi chora-tadbirlari yong'in xavfsizligi to'g'risidagi qonun hujjatlariga, yong'in xavfsizligi sohasidagi normativ hujjatlarga muvofiq, shuningdek, yong'inlarga qarshi kurashish tajribasi, moddalar, materiallar, texnologik jarayonlar, buyumlar, konstruksiyalar, asbob-uskunalar, binolar va inshootlarning yong'in xavfliligiga baho berish asosida ishlab chiqiladi.

Moddalar, materiallar, buyumlar, konstruksiyalar va asbob-uskunalar ishlab chiqaruvchilar (yetkazib beruvchilar) mazkur moddalar, materiallar,

buyumlar, konstruksiyalar va asbob-uskunalar yong'in xavfliligi ko'rsatkichlarini, shuningdek, ulardan foydalanishda qo'llaniladigan yong'in xavfsizligi chora-tadbirlarini tegishli texnik hujjatlarda ko'rsatishi kerak.

Yong'inlarni o'chirish odamlarning hayotini asrab qolish hamda sog'lig'ini saqlash, yuridik va jismoniy shaxslarning mol-mulkini, atrof tabiiy muhitni asrash hamda yong'inlarni bartaraf etish harakatlaridan iboratdir.

S.TURSUNOV, Yangiyo'y tumani FV bo'limi boshlig'i, podpolkovnik.

Xorazm viloyati FVB tomonidan Urganch davlat universitetida o'tkazilgan maxsus-taktik o'quv mashqida shartli ravishda obyekt hududida yong'in sodir bo'lib, maskan navbatchisi tomonidan zudlik bilan favqulodda vaziyatlar boshqarmasining tezkor raqamlariga holat bo'yicha xabar berildi.

JANGOVAR SHAYLIK

Bu vaqtga qadar universitet ma'muriyati va ko'ngilli yong'in o'chirish drujinasi yong'inni dastlabki holatida bartaraf qilishga harakat qildi. Navbatchi xodimlar o'quv sinflaridagi va boshqa hududdagi 400 nafarga yaqin talaba va o'qituvchilarni evakuatsiya qilish ishlarini tashkillashtirishdi.

Yetib kelgan yong'in-qutqaruvchilar ichkarida qolgan, yordamga muxtoj fuqarolarni qutqarish, ishchi-xizmatchilar va fuqarolarni yong'in o'chog'idan uzoqroqda bo'lishini ta'minlash, avariya-qutqaruv ishlarini olib borish jarayonida jarohat olganlarni xavfsiz hududga evakuatsiya qilishga erishdilar.

Voqea joyida tashkil etilgan tezkor shtab tomonidan yong'in o'chirish ekipajlari yong'in joyiga yo'naltirildi. Shartli yong'in joyi-

dan yong'in-qutqaruv avtonarvoni orqali 5 nafar fuqaro, tan jarohati olgan 2 nafar fuqaro yong'in-qutqaruvchilari tomonidan qutqarildi. Jabrlanganlarga esa tez tibbiy yordam xodimlari tomonidan birinchi tibbiy yordam ko'rsatilib, kasalxonaga olib ketildi.

Shu bilan birgalikda o'quv dars mashg'ulotlari davomida shartli ravishda zilzila sodir bo'lganda talabalarning to'g'ri harakatlanishlari borasida tushunchalar berilib, amaliy tarzda ko'rib chiqildi.

Ravshanbek XO'JABOYEV,
Xorazm viloyati FVB smena boshlig'i, mayor.

Hojiakbar RUSTAMOV,
boshqarma axborot xizmati boshlig'i, leytenant.

HAYOT XAVFSIZLIGI QOIDALARI

"Hayotiy faoliyat xavfsizligi" kursini o'qitishni takomillashuvi hamda rivojlantirishni ta'lim oluvchilarga xavf-xatarlar, prognozlash, favqulodda va xavfli vaziyatlarda xatti-harakatlar to'g'risida tizimli tushunchaga ega bo'lish, mana shunday holatlarning oqibatlarini odamlar hayoti hamda sog'lig'iga ta'sirini baholash va ularning imkoniyatlarini hisobga olgan holda, xavfsiz xatti-harakatlar algoritmlarini ishlab chiqish imkonini beradi.

Favqulodda xavf, shuningdek, vaziyatlarning oldini olish, tabiiy ofatlar, avariya va halokatlarning oqibatlarini muvaffaqiyatli bartaraf etish, shuningdek, ularda iloji boricha ishtirok etish zarurligiga e'tibor berish, shuningdek, hisonch hosil qilish uchun ko'rilayotgan chora-tadbirlar samaradorligiga o'rgatish birdek muhimdir.

Ta'lim oluvchilarda nafaqat xavfsizlik to'g'risida nazariy tushunchalarni shakllantirish, balki o'zlarini himoya qilish, uning usullari va shakllari to'g'risida amaliy g'oyani ishlab chiqish ham juda zarur hisoblanadi. Ta'lim oluvchilarda xavfsizlik va sog'liqni saqlash sohasidagi bilimlarini oshirish bilan bir qatorda, shaxsning ma'naviy va axloqiy tasavvurlarini oshirish, psi-

Baxtiyor MIRZAQOBILOV,
Samarqand viloyati FVB, HFXO'M katta o'qituvchisi.

ELEKTR QURILMALARIDAN FOYDALANISH

Elektr dvigatellar, boshqarish, yoqish-boshqarish apparatlari, nazorat o'lchov va himoya asbob-uskunalar, yordamchi uskunalar va elektr tarmoqlari elektr uskunalarining tuzilishi qoidalari talablariga asosan himoya darajasi, zona sinflariga muvofiq bo'lishi hamda qisqa tutashuv va ortiqcha yuklanishdan himoya qiluvchi vositalar bilan ta'minlangan bo'lishi kerak.

Yonuvchi tom, ayvonlar (bostirmalar) va yonuvchi materiallar saqlanadigan ochiq omborlar ustidan havo orqali tortiladigan va tashqi elektr uzatgichlarni (sim va kabl) o'tkazishga yo'l qo'yilmaydi. Avariya va evakuatsiya yoritgichlar faoliyati markazlashtirilgan holda zaryad oluvchi xonadan boshqarilishi ko'zda tutilishi lozim, mazkur xonalar mavjud bo'lmasa, markaziy elektr tokni tarqatish shchitidan yoki uni taqsimlash uskunalar orqali boshqariladi. Bugungi dolzarb masalalardan biri - fuqarolarni yong'in xavfsizligi qoidalariga rioya etishga o'rgatish, aholi ko'p yig'iladigan joylarda bu boradagi kamchiliklarni joyida bartaraf etishdir.

Z.O'RUNOVA,
Toshkent shahar FVB YXTEB kichik inspektori, kichik serjant.

АКАДЕМИЯГА ИШГА ТАКЛИФ ЭТАМИЗ!

Ўзбекистон Республикаси Президентининг 2019 йил 12 сентябрдаги қарори билан тасдиқланган “Ўзбекистон Республикаси фуқароларининг ҳарбий хизматни ўташ тартиби тўғрисида”ги Низом талабларига мувофиқ, Ўзбекистон Республикаси Қуролли Кучлар сафида контракт асосида ҳарбий хизмат қилишни истаган фуқаролар диққатига:

Фавқулудда вазиятлар вазирлиги Академиясида ҳарбий педагог лавозимларида контракт асосида ҳарбий хизматни ўташ истагини билдирган фуқаролар (ҳарбий хизмат-

чилар), олий маълумотли (магистр, дипломли мутахассис), илмий даража ва унвонга эга бўлган тиббиёт (умумий амалиёт бўйича), кимё, олий математика, информатика, физика, юрист, ҳуқуқшунос, чет тили (рус тили ва инглиз тили “инглиз тилини билиш даражаси бўйича С1 ва унда юқори даражага эга бўлган”) ҳамда жисмоний тайёргарлик йўналишлари бўйича мутахассисларни ишга таклиф этади.

Мурожаат учун Академия кадрлар бўлими:
71 258-88-81, 71 258-49-93.

Академия ахборот хизмати.



ОРТИНГДА ЎЗБЕКИСТОН

Тезкор шахмат бўйича
жаҳон чемпиони, гроссмейстер
Нодирбек Абдусатторова

Элу юртда нодирсан,
Ақли ўткир ботирсан,
Зўр ишларга қодирсан,
Чекинмагил, чемпион,
Ортингда Ўзбекистон!

Майдондаги ҳар “киш”инг,
Ўзбекона зарб – муштинг,
Жангларда обдон пишдинг,
Бўш келма ҳеч, чемпион,
Ортингда Ўзбекистон!

Қатор тизиб аскарни,
Олдга ташла лашкарни,
Айланиб ўт хатарни,
Мардона бўл, чемпион,
Ортингда Ўзбекистон!

Боболарнинг нақли бу,
Аждодларнинг ақли бу,
Келажакнинг ёлқини,
Сен – ёшликсан, чемпион,
Ортингда Ўзбекистон!

Қанот бўлсин тафаккур,
Етти ўйлаб... дона сур,
Рақиб мотми? Ташаккур!
Сафда илғор, чемпион,
Ортингда Ўзбекистон!

Фикринг – ўткир чақмоқдек,
Қалбинг – қайнар булоқдек,
Сурсанг – донанг тўқмоқдек,
Йўл, тадбир топ, чемпион,
Ортингда Ўзбекистон!

Кўрсат ўзбекнинг кучин,
Олгин тарихлар ўчин,
Онажон – Ватан учун
Зафар кучин, чемпион,
Ортингда Ўзбекистон!

Сен ҳам юрт посбонисан,
Миллатнинг ўғлонисан,
Замон қаҳрамонисан!
Ғолиб бўлгин, чемпион,
Ортингда Ўзбекистон!

Салим АШУР.

ҚУТҚАРУВЧИЛИК – ЗИММАМДАГИ МАСЪУЛИЯТ

Бугунги кунда миллий армиямиз ёшларнинг иродасини тоблайдиган, уларни ўз Ватани ва халқига садоқат руҳида тарбиялайдиган жасорат ва матонат мактабига айланди. Шу боис, йигитлар она юртга хизмат қилишни муқаддас бурч, деб биладилар. Юртимизнинг ҳар бир ўғлони учун Ватанни ҳимоя қилиш, бу йўлда хизмат қилиш, нафақат ор-номус, йигитлик бурч, балки шараф ва масъулиятдир. Ҳарбий либоси ярашган йигитлар орасида ФВВ Академияси 3-батальон курсанти Бехзод Ўринов ҳам бор. Унинг қалбида ҳарбий соҳага нисбатан меҳр ҳисси умумтаълим мактабидан ўқийётган пайтларида шаклланди.

– Ниятимга, мақсадимга етганимдан қувончим чексиз, – дейди қаҳрамонимиз. – Энди билдирилган ишончини ҳар жиҳатдан оқлашга, ота-онам юзини ерга қаратмасликка астойдил ҳаракат қиламан. Мен ўз Ватанимни ҳимоя қилишни шарафли бурчим, деб биламан. Бу касб ҳар доим, ҳатто тинчлик даврида ҳам аҳамиятлидир. Болалигимда бобом томонидан айтилган “йигитнинг марди майдонда синалади, кураги ер кўрмаган эр-йигит хизматда чиниқади, деган гаплари ҳали-ҳануз қулоғим остида жаранглайди.

Дарвоқе, Бехзод яна бир воқеа ҳақида тўхталиб ўтишни жоиз билди. Унинг таъкидлашича, айна ёз палласида, жазирама иссиқда, 5 ёшли бола чўмилмоқчи бўлиб анҳорга тушган экан, аммо сузишни билмагани туфайли қийинчиликка дуч келган. Шу пайт қаҳрамонимиз китоб ўқиш билан банд бўлган. Болага кўзи тушиши билан ўзини сувга отган ва сувдан олиб чиққан. Бола анча вақтдан кейин ҳушига келиб, кўзларини очиб:

– Қутқарувчи ака, сизга раҳмат, ҳаётимни сақлаб қолдингиз, – деган. Шу воқеадан сўнг Б.Ўринов қутқарувчи бўлишга аҳд қилди. Бироз муддат ўтиб, Бехзод ҳарбий хизматга чақирилди. Хизмати давомида вақтдан унумли фойдаланди. Устозларидан, командирларидан ўзига зарур бўлган муҳим билимларни олди. Бу соҳани чуқурроқ ўрганишни бошлади.

– Олий мақсадим муддатли ҳарбий хизматни тамомлаб, ФВВ Академиясининг ёнғин хавфсизлик йўналишида таҳсил олиш эди, – дейди суҳбатдошимиз. – Ҳарбий хизматда ҳар томонлама чиниқдим, маънавий озуқа олдим, спорт билан шуғулландим. Ҳаракатларим, меҳнатларим ўз самарасини берди. Ҳарбий таълим муассасаси курсантига айландим. Энг таъсирли, қалбимни завқлантиргани шу бўлдики, бобомнинг айтган сўзлари ила офицерликка илк қадамни қўйдим. Фахр ва ғурур билан эгнимга ҳарбий либос кийдим. Бу кийимни оқлаш, юртимнинг дахлсизлигини таъминлаш масъулияти зиммамдаги катта бурчдир.

Дарҳақиқат, офицерлик касби машаққатли, шу билан бирга жуда шарафлидир! Б.Ўринов бўш вақтларида



бадий мутулаа билан шуғулланади. Асосан, маърифатпарварларимизнинг ҳаёт йўли асарларини, Амир Темур тузуклари, жаҳон адабиёти намуналарини севиб мутулаа қилади. Билим, кўникмаларини оширади. Изланиш, интилишдан тўхтамайди.

Қолаверса, спорт билан мунтазам шуғулланади. Кўплаб кўрик-танловлар, заковат мусобақаларида қатнашиб келмоқда. Ҳар тонг онасини, бувисини йўқлаб, уларнинг дуоларини олади.

Орадан 4 йил ўтиб ўша болакайни учратди. У Бехзодни таниди ва бағрига отилди.

– Акажон, мана энди эгнимиздаги либосингиз кўплаб инсонларни ҳаётини, тинчлигини, фаровонлигини таъминлайди. Мен ҳам сиз каби ҳарбий бўламан, – деди кўзлари порлаб.

Энг муҳими, Б.Ўринов танлаган касбидан фахрланади. Амир Темур, Жалолиддин Мангуберди давомчилари эканидан ғурурланади. Юртбошимиз томонидан ёшларга яратилаётган шарт-шароитлар, имкониятлар янги келажакни, аждодларимизга муносиб авлодлар борлигини намойиш қилмоқда. Маънавияти юксак даражада ривожланган миллатни истиқлоли порлоқ, буюк келажак учун ўзида куч-қудрат топа олади. Тоғни талқон қиладиган маънавияти юксак, иродаси мустаҳкам ўғлонларимиз бор экан, юртимиз тинчлиги дахлсиздир.

Рушана РОЗАБОВА,
Ўзбекистон журналистика ва
оммавий коммуникациялар
университети ҳарбий журналистика
йўналиши талабаси.



Vaziyat

газетаси

Муассис:
Ўзбекистон
Республикаси
Фавқулудда
вазиятлар
вазирлиги

Бош муҳаррир в.б.
Азамат СУЙОНОВ

Газета таҳририят
компьютерхонасида
саҳифаланди.

Газета ҳар ҳафтанинг
пайшанба куни чиқади.
Топшириш вақти – 15.00
Топширилди – 15.00

Навбатчи:
М. САНАЕВ

Таҳририятга юборилган
материаллар қайтарилмайди
ва изоҳ берилмайди.
Муаллифлар фикри таҳририят
нуқтаи назаридан фарқланиши
мумкин.

Газетадан олинган материаллар
манбаси кўрсатилиши шарт.

Газета Ўзбекистон Матбуот ва
ахборот агентлигида 2007 йил
3 январда 0096-сон рақам
билан рўйхатга олинган
ISSN 2091-5292

Таҳририят манзили:
100084, Тошкент шаҳри,
Кичик ҳалқа йўли, 4-уй.
Тел.: (71) 231-96-71
Телеграмм: (90) 016-87-67

Индекс:
якка обуначилар ва
ташкilotлар учун – 382

Газета “BUSINESS PRINT DESIGN”
босмахонасида босилди.
Манзил: Тошкент шаҳри,
Сўғалли ота кўчаси, 5-уй.
Буюртма №
Бичими: А3, ҳажми: 2,0 б.т.
Адади – 6600 нусха